

薛氏二十四種

四十二  
保嬰撮要七

中武  
584  
15



門 584 卷 15

保嬰撮要卷十三 續集

薛氏醫校

吳郡薛 已著

江都吳中珩校

喉痺

一附五臟虛羸傳變喉間內潰或鼻中垂出息肉或鼻外患瘡

之毒當分其邪蓄表裡與症之輕重經之所主而治之若左腮色青赤者肝膽經風熱也用柴胡梔子散右腮色赤者肺經有熱也用瀉白散額間色赤者心與小腸經熱也用導赤散若兼青色風熱相搏也用加味逍遙散鼻間色黃脾胃經有熱也用瀉黃散若兼青色木乘土位也用加味逍遙散兼赤色心傳土位也用柴胡梔子散頰間色赤腎經有熱也用地黃丸凡此積熱內蘊二便不通者當疎利之風邪外客而發寒熱者當

薛氏醫校 保嬰撮要卷之十三

之外感風邪大便閉結煩渴痰盛者當內疎外解若因乳母  
梁積熱者母服東垣清胃散若因乳母恚怒肝火者母服加味  
逍遙散稟賦陰虛者兒服地黃丸大槩當用輕和之劑以治其  
本切不可用峻利之藥以傷真氣也  
一小兒喉間腫痛驚悸飲水服驚風降火之藥益甚仍欲攻風  
痰余曰驚悸飲水心經虛症也蓋胃為五臟之本先用五味異  
功散以補胃加桔梗甘草以消毒諸症頓退後用朱芩子湯加  
柴胡而愈  
一小兒喉間腫痛左腮色青赤此心肝二經之熱也用柴胡清  
肝散而愈後因驚服至寶丹吐痰發搐手足指冷此肝木虛而  
肺金乘之用補中益氣湯以補脾肺六味地黃丸以滋肝腎而  
愈

一小兒發熱飲冷大便黃色手足並熱不能吮乳視口內無患  
搦其喉間則哭此喉內作痛乃脾胃實熱也用瀉黃清胃二散  
各一劑母子並服而愈  
用前二散而愈  
一小兒喉間腫痛口角流涎手足並熱用瀉黃清胃二散母子  
服之而愈後因母大怒兒寒發熱仍復流涎用柴胡清肝散  
加扁薑母子服之而愈

子湯加補黃一服大便隨通乃去硝黃再劑頓愈審其  
母有肝火發熱用柴胡清肝散母子並服而愈  
一小兒嗜膏粱之味喉間腫痛痰涎壅盛服巴豆丸前症益甚  
口鼻出血唇舌生瘡大便不實余用犀角地黃湯解膏粱之熱

用東垣安胃散解巴豆之毒又用甘桔湯而愈  
一小兒喉腫作渴大便乾實右腮赤色此肺與大腸經實熱也  
用柴胡飲子一服而愈後因飲食停滯服峻厲之藥喉間仍腫  
腹中脹痛此脾氣復傷也用異功散加升麻當歸而痊  
一小兒因母忿怒患前症兼咬牙呵欠余謂肝經虛熱之症子  
用甘桔湯加柴胡曲蘆牛蒡子母服加味逍遙散而愈  
一小兒肌體瘦弱嗜土炭灰後鼻間不利恪服清熱之劑肌  
體愈瘦食少熱甚善驚善驚小便良久變白鼻中出息肉二寸  
許耳下頸間結小核噤於筋肉之間余謂肝脾虛羸之變症不  
信乃內瀉肺火外用腐蝕喉間亦腐余先用五味異功散加升  
麻柴胡蕪荑為重更用四味肥兒丸為佐脾氣漸健夕用九味  
蘆薈丸為生以五味異功散為佐而愈

一女子六歲喉間腫痛鼻中息肉寒熱往來小便頻數良久變  
白此肝疳之症先用加味逍遙散加炒黑焦龍膽草熱痒漸退  
乃去龍膽草佐以四味肥兒丸而愈  
一女子七歲鼻生息肉搽攻毒之藥成瘡腫痛外以黃連甘草  
黃柏末付之以解熱毒更以加味逍遙散清肝火佐以四味肥  
兒丸而愈  
一女子鼻中及下部常出息肉屢用毒藥蝕之各搥出一條三  
寸許先與龍膽草湯為主以加味逍遙散為佐而愈  
一小兒額間赤足心熱喉中常痛服清胃敗毒之藥余謂稟腎  
水不足而心火熾甚也當用地黃丸壯水之至以制陽光不悟  
口舌赤烈小便如淋而歿  
一女子十四歲患前症雜用清熱敗毒等藥前症益更患陰挺

詳見下疳瘡

牛蒡子湯 治風熱上壅咽喉腫痛或生乳蛾

代和薑黃并炒并玄參 升麻 桔梗 炒 甘草 各等

每用半錢黃芩 木通

不每服一二錢水煎服

拔萃桔梗湯 治熱腫喉痺

桔梗 甘草 連翹 梔子 炒

薄荷 黃芩 各等

右為末每服一二錢水煎服

柴胡飲 解肌熱積熱或汗後餘熱脈洪實茲敷大便堅實者

東 黃芩 七分 甘草 四分 柴胡 七分 芍藥 七分

柴胡 一錢 人參 各五分 當歸 一錢

右每服一錢薑水煎

東垣人參安胃散治脾胃虛熱口舌生瘡或傷熱乳食嘔吐瀉

人參 一錢 黃芪 炒 生甘草 各五分 炙甘草 各五分

白芍藥 七分 白茯苓 四分 陳皮 三分 黃連 炒 二分

右為末每服二錢水煎

三因玉鑰匙治風熱喉閉及纏喉風

硝石 半兩 鵬硝 半兩 片腦 一字 白殭蚕 一錢

研勻用半錢吹入喉中立愈

九味蘆薈丸治肝經積熱咽喉口舌生瘡或牙齦蝕爛兩目生

翳耳中出水或肝積癰瘰下疳陰腫或遺出白津拗中結核

或小便良久變白大便不調肢體消瘦等症

胡黃連

宣黃連

蘆薈

木香

白蕪荑炒

青皮

白雷丸

鶴虱草

麝香三錢

右各另為末米糊丸麻子大每服半錢空心米湯下仍量兒

大小用

甘桔湯治風熱土攻咽喉疼痛及喉痺妨悶

苦梗一兩

甘草炒

右每服二錢水煎

濟生犀角地黃湯治膏梁積毒脾胃有熱咽喉腫痛或口舌生

瘡

六刺犀角

牡丹皮

生地黃

赤芍藥

右每服一二錢水煎

五味異功散

方見敗毒之藥

六味地黃丸

方見作渴不止

柴胡清肝散

方見脇癰即柴胡梔子散

補中益氣湯

方見肌肉不生

瀉黃散

方見頭面瘡

腮癰二附耳症

腮屬足陽明胃經其生癰者多因兒食甘甜厚味脾胃積熱所致亦有乳母鬱怒兒受其患者若因熱積於內二便不通者用涼膈散風邪相搏二便如常者用漏蘆湯胃經風熱或兼咽腫痛用升麻防風湯若稟賦陰虛火動頰間或兩耳內生瘡或出膿不止者宜用地黃丸若因乳母肝火乘脾用加味逍遙散脾經鬱熱用加味歸脾湯膏梁積熱用東垣清胃散脾胃風熱

用清咽利膈湯仍參口瘡治之  
一小兒腮腫肉色不變大便不實屬胃經虛熱用五味異功散  
加升麻柴胡而愈又乳母飲酒兼怒兩腮赤腫憎寒發熱用加  
味清胃散二劑加味道遙散一劑治其母兒亦飲數劑而愈  
一小兒嗜炙煇腮腫發熱作渴飲冷用加味清胃散而消後仍  
不戒厚味腮腫赤痛熨連舌本先用瀉黃散而退次用加味清  
胃散而消  
一小兒腮患瘡作渴飲湯食少思服敗毒散益甚余請此醫  
經虛熱先用七味白朮散次用五味異功散而渴止後因母怒  
兩腮赤腫作渴發熱用加味道遙散治其母兒患亦愈  
一小兒年六歲腮患此三年不愈色黯下陷此胃經症也宜滋  
化源以生腎水外散寒邪以接陽氣不信妄用雜方元氣益虛

七惡蜂起始信余言後用前藥果驗  
一小兒頰腫敷寒涼之藥色白腫硬久而不愈此胃氣虛而寒  
邪凝滯也用葱熨法以散寒邪異功散以助元氣遂愈若用攻  
毒之劑則誤矣  
一小兒酷嗜甘味藥餌惟甘者乃服後患腮腫余知其胃症也  
經曰酸能勝甘當用酸味之藥遂以烏梅肉作丸甘草末爲衣  
服至二兩許始惡甘味腮腫漸消  
一小兒腮腫痛外敷鐵箍散內服寒涼藥日久堅硬其色不變  
夫藥之寒涼者外敷則氣色凝滯內服則脾胃有傷故氣血有  
虧而肉不潰色不赤也用四君加柴胡升麻白芷當歸外散寒  
邪內補脾氣更用葱熨法不數日膿潰而愈  
一小兒顯頰常炊腫服清熱敗毒之藥更口渴足熱面色微黑

余謂腎疴症用六味地黃丸與子服母服加味逍遙散而愈後因別服伐肝之藥前症復作寒熱面青少便頻數此肝火血燥耳用柴胡梔子散以清肝六味地黃丸以滋腎遂痊

一小兒腮腫痛後耳內出膿久而不愈視其母兩臉青黃屬鬱怒所致朝用加味歸脾湯夕用加味逍遙散母子皆愈

一小兒顯間發熱手足並熱用清胃瀉黃二散而愈後頰間腫痛微連耳內余謂此腎經所屬之地不信雜用降火之藥耳出膿水或痒或痛稍加用心即發熱倦怠兩腿乏力用補中益氣湯及六味地黃丸稍愈畢後朝寒暮熱形氣倦怠心發熱氣喘唾痰仍用前二藥佐以六君子湯而愈後不守禁惡寒發熱頭暈睡痰余謂腎虛不能攝水而為痰清氣不能上升而頭暈陽氣不能護守肌膚而寒熱遂用補中益氣湯各加蔓荊子

附子各一錢不應乃用人參一兩附子二錢二劑而應乃用十全大補湯百餘劑而痊

一小兒先頰間腫痛用敗毒之藥耳中流膿項間結核兩目或連翳或赤痛小便或作痒或赤澁皆肝膽二經風熱用四味肥兒丸悉愈

一小兒顯頰腫痛服敗毒藥後耳出穢水余謂肝腎之症先用九味蘆薈丸而痊畢後面黃發熱用黃栢知母等藥更胸膈痞滿食少痰壅乃利氣化痰加噫氣下氣用六君子補中益氣二湯加乾羌木香尋愈

一小兒腮腫搽石灰末久而不散余用四君子加升麻白芷及葱慰之法漸消又用仙方活命一劑而瘥夫石灰乃辛熱燥血之藥小兒氣血虛者搽之反致難治慎之



一小兒腮間腫痛用鐵箍散敗毒散之類出膿久不愈面色鰲  
足心熱口舌乾余謂此稟腎水不足之虛症當補肺金滋腎水  
為主不信仍服前劑脾土益虛絕生氣而歿

升麻 防風 黃栢炒 茯苓

芍藥炒 陳皮各五分 連翹 當歸各七分

右每服二錢水煎仍量大小用之

清咽利膈湯治心脾蘊熱或咽喉腮舌腫痛

玄參 升麻 桔梗炒 甘草炒

茯苓 防風 黃芩炒 黃連炒

牛蒡子炒 芍藥炒各等分

右每服一二錢水煎

東垣清胃散 方見應驗

異功散 方見用敗毒母之藥

地黃丸 方見作渴不止

神效葱熨法 方見流注

仙方活命飲 方見瘡瘍熱毒

臂癱三

臂癱之症當分經絡所屬受症之因而治之上廉屬手陽明經  
下廉屬手太陽經外廉屬手少陽經內廉屬手厥陰經內之上  
廉屬手太陰經內之下廉屬手少陰經或經絡熱鬱風邪外干  
氣血有乖即生癱毒若因心經有熱者導赤散加黃連心胞絡  
有熱者柴胡梔子散肺經有熱者瀉白散大腸經有熱者大連  
翹飲燉腫作痛者氣血凝結也用仙方活命飲腫痛不消者欲

作膿也用托裡消毒散膿熟不出者氣血虛也用托裡消毒散膿出反痛者氣血虛甚也肌肉不生者脾胃氣虛也用五味異功散不可外傳生肌散恐反助其邪而肌肉難長也

一 小兒臂上生癰腫連肘間此屬手少陰三焦二經先用仙方活命飲殺其大勢次用柴胡清肝散以清心肝之熱諸症頓退又用托裡消毒散出膿而愈

一 小兒臂外側患毒此屬肺經部分先用神效解毒散加桔梗二劑腫痛頓減次用托裡消毒散而膿潰將愈因母食炙煇之味患處復腫兼發熱咳嗽子服瀉白散母服清胃散而痊

一 小兒臂腕漫腫敷寒涼藥又常以冷水潤之腫熱從上至肩兩月餘而潰四月餘不斂膿出清稀面色痿黃余曰此氣血虛不能充榮於肌肉也先用異功散加升麻柴胡脾胃漸健又用

托裡散而愈

一 小兒臂患癰久不愈手足時冷用異功散加木香佐以八珍湯手足溫和乃用托裡散將斂因飲食停滯傷脾患處腫硬用六君木香及托裡散而愈

一 小兒臂癰久不愈潰出碎骨飲食少思不時寒熱膿水清稀此氣血俱虛也用八珍散加肉桂桔梗漸消又用托裡散加肉桂及豆豉而愈

一 小兒臂膊赤腫發熱作渴飲冷症屬胃火先用加味清胃散而愈後因母食厚味復腫痛先用瀉黃散二服再用清胃散母子服之並愈

一 女子臂瘡腫焮作痛用仙方活命飲痛止成膿用加味八珍湯而膿潰漸斂用加味逍遙散與母服而痊

一 小兒因母食膏粱臂瘡潰而作痛脉洪數有力用清胃散與母服子服瀉黃散漸愈又用加味逍遙散母子俱服而愈

一 小兒臂瘡服敗毒散嘔吐腹脹作痛手足並冷用六君羌桂諸症漸退飲食漸進次用五味異功散而愈

一 小兒臂癰腫硬色白寒熱倦怠此血氣虛弱而不能潰散先用五味異功散加乾羌其腫漸退飲食漸進又用托裡散如聖餅膿潰而愈

一 小兒臂患癰腫硬不消食少自汗此脾肺氣虛而不能潰先用六君子湯而汗止乃佐以葱熨法而膿成又用八珍湯而膿潰用托裡散而瘡斂

一 小兒臂患瘡敷寒涼之藥腫硬不消用補中益氣湯加木香薄桂及如聖餅助其陽氣而消

一 小兒臂患瘡腫硬作嘔面色痿黃飲食少思此脾氣虛也用六君子湯嘔止食進又用五味異功散如聖餅而消

一 小兒臂瘡作痛不止肌肉不生先用托裡消毒散而痛止用五味異功散托裡散而肉生

一 小兒臂患瘡久而不斂肌肉消瘦日晡體熱此脾氣虛而不能生肌肉也朝用補中益氣湯夕用五味異功散諸症漸愈又用托裡散如聖餅而愈

一 小兒臂瘡腫痛焮赤右腮赤色傳服皆敗毒之藥余謂此肺胃二經之症也當用瀉黃瀉白二散主之

諸經虛症蜂起而發

神効解毒散治一切瘡瘍初起腫者即消已潰仍腫者即散已潰毒不解者即愈

金銀花一兩 甘草節五錢 黃芪 皂角刺炒

當歸各三錢 乳香 沒藥各二錢

右為散每服二錢酒煎溫酒調服亦可嬰兒病乳母亦服如瘡已潰腫痛已止者去乳香沒藥金銀花倍加黃芪甘草

白芷升麻湯治手明陽經分臂上生瘡

白芷 升麻 桔梗各一錢 黃芪炒

黃芩酒炒各三錢 生黃芩五分 紅花 甘草炙各五分

右水酒半鍾煎食後溫服

瀉白散治肺經有熱生瘡又化痰止咳治氣進食

地骨皮 桑白皮炒各一兩 甘草炙五分

右為末每服一二錢入粳米百粒水煎

瀉心散治心經實熱生瘡作渴發熱飲冷手足並熱詳見瀉心湯

導赤散治小腸實熱生瘡作渴發熱小便秘赤

生地黃 木通 甘草等分

右為末每服一錢入淡竹葉水煎

大連翹飲即大連翹湯治肺熱生瘡

連翹 藎麥 荊芥 木通

赤芍藥 當歸 防風 柴胡

滑石 蟬殼 甘草炒 山梔子

黃芩各等分

右為末每服二錢加紫草水煎服之大便不通量加大黃

補中益氣湯方見肌肉不生

加味道遙散

六味地黃丸二方見發熱不止

薛氏醫按

保嬰最要卷之十三

七

由七三

十全大補湯 方見便癰

四味肥兒丸 方見疳骨癰

九味蘆薈丸 方見喉痺

柴胡梔子散 方見腹癰

東垣清胃散 方見腹癰

五味異功散 方見敗毒之藥

托裡消毒散 方見熱毒瘡瘍

腋癰 三謂癰生於脇之前膚之傷白者五下皆是也

腋癰屬足少陽手少陰手厥陰三經小兒患之多稟賦肝火所致初起先用活命飲次用柴胡梔子散五七日間作膿焮腫作痛者亦用活命飲殺其大勢雖潰亦輕而易斂若膿已成用托

裡消毒散已出用托裡散如有變症當隨症治之

一 小兒患前症腫痛用仙方活命飲而痛止用托裡消毒散而潰因母飲酒復知腫痛母服清胃散兒服活命飲托裡散而愈

一 小兒患之因乳母恚怒所致用仙方活命飲母用柴胡梔子散加味逍遙散並愈後復患令母仍服前藥子服托裡消毒散而膿潰用托裡散而斂

一 小兒腋下常患一枚此稟肝膽怒火也用牛黃解毒丸母服柴胡梔子散逍遙散而愈後每發即服前藥而愈或用荆防敗毒散外敷鐵箍散以杜後患幾至不救

一 小兒十四歲患之內外皆用寒涼敗毒之藥腫硬作痛上連肩髀膿成不潰或用針之膿仍不出余曰此氣血虛甚當峻補之不信半載後肩骨潰解惟皮相連瀝盡氣血而歿

薛氏醫案

一 小兒患之恪服敗毒之藥久不潰色不變腫硬如石余用葱熨之法及托裡散二十餘劑患處微赤作痛又數劑腫起針出穢膿氣息淹淹用人參一兩乾薑一錢棗子十枚四劑仍用前散尋愈

一 小兒患之膿內潰久不出色不變亦不痛余謂氣血虛甚當先大補而用火針不信或獨參湯二劑喘汗少止膿仍未出又二劑膿出甚多喘汗大作又用前湯四劑諸症悉退乃用八珍湯漸愈後因傷風咳嗽誤用表散之藥煩燥自汗面目脫發躁也先用當歸補血湯諸症頓愈再用八珍湯而安又飲食過多發厥手足並冷用五味異功散加升麻柴胡生薑一劑而愈

一 小兒患之色黯不斂三年不愈用十全大補湯及豆豉餅三月餘將愈後勞倦怒氣腋相間服之月餘而愈

豆豉餅治瘡瘍腫痛硬而不潰及潰而不斂并一切頑瘡惡瘡用江西豆豉為末唾津和餅大如銅錢厚如三四錢置患處以艾壯於餅上灸之灸乾則再易如瘡大作餅覆患處以艾鋪餅上灸之未成者即消已成者祛毒間有不効者乃氣血虛敗之症也參疔瘡類灸法用之

四物湯治瘡瘍血虛發熱日晡益甚或煩躁不寐

當歸 熟地黃 芍藥 川芎

右水煎服

參朮柴苓湯治瘡瘍脾氣虛弱肝氣內動肢體抽動者

人參

白朮

茯苓

陳皮

山梔炒七分

甘草炒五分

柴胡七分

鈞藤鈎子各七分

升麻各三分

每服一二錢羌棗水煎嬰兒用大劑與母服子少服之

黃連安神丸治心經血熱發熱驚悸不安

黃連五分

生甘草二分 生地黃五分

當歸

硃砂三錢

右為末飯糊丸小豆大每服十五丸滾湯下如二三服不應

當服歸脾湯嬰兒乳母並服

柴胡梔子散方見胎毒瘡

托裡消毒散方見胎毒瘡

托裡散二方見胎毒瘡

清胃散方見腹癰

加味逍遙散方見發熱不

牛黃解毒散方見胎毒瘡

十全大補湯方見便癰

脇癰五

脇肋者足厥陰少陽之經相火之司也乃木之主肝膽之氣不平則風火內搏榮逆血鬱熱聚為膿而癰腫之所由生也亦有稟賦母氣肝膽之熱恚怒之火而致然初患焮腫作痛者宜用柴胡梔子散未消者用仙方活命飲其熱既殺而腫不消者則必成膿也乃用托裡消毒散其膿既成以代針膏決之仍用托

自愈若膿出而痛止腫消則不必用藥也

一小兒四歲脇間漫腫一塊甚痛色如故服流氣敗毒等藥加

寒熱作嘔食少作瀉此稟肝脾氣滯之症元氣復傷而甚耳乃  
擇乳母氣血壯盛者與加味歸脾湯加味逍遙散服之兒飲其  
乳牛載而消

一小兒左脇生瘡寒熱作嘔右關脈弦數此肝症傳於脾也先  
用柴胡清肝散次用五味異功散又用托裡散瘡斂而愈其時  
尚患是症專用敗毒者俱致不起

一小兒左脇下生瘡漫腫色赤此肝膽經形傷氣也先用托裡  
散消毒散加味小柴胡湯間服腫漸減又用托裡消毒散加味  
小柴胡湯瘡潰而愈

一小兒四歲患脇癰色赤腫  
肝脈弦而遲此肝膽經血虛有  
熱先用加味逍遙散數劑  
已消中間成膿又用托裡消毒  
散加柴胡山梔膿潰而斂

一小兒肩患癰痛甚腫至背乃膀胱經部分血瘀滯也先用仙  
方活命飲毒解痛止又用  
味小柴胡湯加連翹山梔金銀花  
其勢漸退乃用加味逍遙散加金銀花黃芪漫腫悉消但中間  
不退此欲作膿也用托裡消毒散膿成而潰又用托裡散地黃  
丸補血氣滋腎水而痊

一小兒患之久不愈左關脈弦數右尺脈按之而弱此稟腎虛  
而然也用地黃丸為主佐以八珍湯托裡散而愈

一小兒未朞脇間赤腫此稟肝火所致用加味逍遙散數劑與  
母服子日服數匙漫腫悉退佐以托裡消毒散加山梔柴胡瘡  
潰而愈後因母恚怒勞役子脇復腫赤用加味逍遙散加味歸  
脾湯母子服之並愈

一小兒脇癰服伐脾之藥膿清不斂呵欠咬牙飲食少思仍用



伐脾余曰此脾虛之症也胃為五臟之主當補脾胃則肝不侮而肌肉自生矣不信乃伐肝水遂致不救

加味歸脾湯治小兒因乳母憂思鬱怒胸脇作痛或肝脾經分患瘡瘍之症或寒熱驚悸無寐或便血盜汗瘡口不斂等症

人參

黃芪炒

茯神去木各一兩

甘草炒

白朮炒

木香五分

遠志去心

酸棗仁

龍眼肉

當歸

牡丹皮

山梔炒各一錢

右水煎乳母服兒亦服之

小柴胡湯治肝膽經分一切瘡瘍發熱潮熱或飲食少思加山

梔牡丹皮名加味小柴胡湯

柴胡一錢五分

人參五分

黃芩七分

半夏五分

甘草炒三分

右作二三服薑棗水煎

柴胡清肝散治肝經風熱或乳母怒火患一切瘡瘍

柴胡

黃芩炒

人參

川芎各一錢

連翹一錢五分

甘草各一分

桔梗炒八分

山梔一錢五分

右水煎母子服之

梔子清肝散一名梔子柴胡散治三焦及足少陽經風熱生瘡或發熱

耳內生瘡作痒或出水疼痛

柴胡

梔子炒

牡丹皮

茯苓

川芎

芍藥炒

當歸

牛蒡子炒各七分

甘草三分

右水煎母子並服

龍膽瀉肝湯治肝經有熱小腹脇間患瘡瘍或玉莖便毒懸

癰囊癰腫痛或潰爛作痛小便澀滯或舉丸懸掛方見下疳陰瘻

加味道遙散治小兒肝脾血虛內熱脇腹作痛頭目昏黑怔忡

頰赤口燥咽乾或發熱盜汗食少不寐或口舌生瘡胸乳膨

脹小便不利或女子患前症經候不調發熱咳嗽寒熱往來

等症方見發熱不止

六味地黃丸治肝經血虛發熱或風客淫氣癩癧結核或四肢

發搐眼目抽動痰涎或傷損出血發熱抽搐等症方見

仙方活命飲

托裏消毒散

托裏散三方見熱毒瘡瘍

八珍湯方見發熱不止

腹癰

腹癰者患於臍下或傍三寸許屬脾經近脇屬膽經蓋因脾經

陰虛氣滯血凝或因脾虛飲食積熱所患若焮腫作痛者瀉黃

散堅硬腫痛者清胃散腫而便秘者清涼飲如此而仍痛者瘀

血凝滯也活命飲既用而不消則內欲作膿也用托裏消

毒散若膿出而痛不戔未解也亦用前藥若膿出而反加

痛及膿水清稀者氣血虛也用參芪托裏散若食少體倦者脾

氣虛也用五味異功散加當歸柴胡升麻補熱內熱者脾血虛

也用四君當歸丹皮如有他症當隨症治之

一小兒患此漫腫微痛肉色不變面色痿黃飲食少思此脾氣

虛而食積內熱也用五味異功散加升麻當歸及如聖餅其腫

漸消又用托裏散而愈

薛氏醫案

一 小兒患此腫痛寒熱活命飲末二服腫痛頓止用托裡散如  
聖餅而腫漸消又用神效散及托裡消毒散數劑而痊  
一 小兒患之內潰作渴飲食少思屬元氣虛弱先用托裡消毒  
散四劑膿潰而發熱惡寒肢體倦怠此邪氣去而真氣虛也用  
八珍升麻補之稍愈又用托裡散異功散間服而痊  
一 小兒腹瘡大便秘結發熱飲冷此熱蓄於裡也用內疎黃連  
湯一劑大便通而痛止 清熱消毒散內熱退而瘡愈  
一 小兒腹患瘡數寒涼之 其腫益甚腹中陰痛手足並冷此  
陽氣虛寒之症也余用回陽湯抑陰散而腫漸消毒漸散又用  
托裡散而斂  
一 小兒患此膿成不潰面色黃白惡心少食發熱惡寒大便不  
實此脾胃虛弱也先用六君升麻柴胡諸症漸退飲食漸進又

用月五氣湯夕用異功散而潰又用八珍湯而愈

一 小兒 中作痛肉色 三月矣診其脈滑數而有力此腹

癰內潰也用托裡散大便以膿甚多乃用薏苡仁湯及托裡散  
而愈

一 小兒小腹赤腫服流 取毒等藥肉色如故食少體倦余謂

此肝脾氣血虛而藥傷之也 用六君肉桂及葱熨之法飲食漸  
進其腫漸消又佐以八珍湯而愈

一 小兒患此而潰腫不消恪服敗毒之藥飲食少思膿清發熱

余謂脾胃之氣復傷不信仍行氣清熱腫痛益甚服消導化痰  
之藥腹脹作瀉余先用異功散加升麻柴胡木香佐以二神丸

二十餘劑諸症漸愈乃用異功散加當歸黃芪元氣漸復却用  
八珍湯內芍藥炒黃數劑改用托裡散而愈次年因勞心發熱

薛氏醫案 保嬰最要卷之十三 七

作渴用當歸補血湯而安畢姻後寒熱往來患處作  
大補湯六味地黃丸而愈

四君子湯加陳皮半夏治脾胃虛弱或因寒涼傷胃致腫不

消或潰而不能斂者但以此藥溫補脾胃諸症自退如誤用

攻伐則七惡隨至矣若脾胃氣虛瘡口出血或吐血便血則

加當歸脾胃充健則血自歸經若脾虛血弱不生肌或肺熱

內熱者更加熟地可投四物沉陰之劑能傷脾胃也若

胃氣虛弱尅伐傷脾飲食少思或食而難化若作嘔作泄者

尤宜用之如兼痰嗽氣逆肢體倦怠面目浮腫者亦因脾虛

不能生肺而然也最宜用之

人參 白朮炒 茯苓 甘草各等

右每服二錢棗水煎

清胃散 治脾胃有熱生瘡或胃火牙痛或連頭面

升麻五分 生地黃 牡丹皮 黃連炒

當歸各三分

右水煎服加柴胡山梔加味清胃散

六君子湯治瘡瘍脾胃虛弱腫痛不消或不潰斂宜用此藥以

壯營氣諸症自愈即四君加半夏陳皮

清涼飲治瘡瘍脾胃實熱煩躁飲食燥痛脈實大便秘結小便

赤澀

赤芍藥 當歸 甘草 大黃各等

右每服一錢水煎

當歸補血湯治瘡瘍肌熱面赤煩渴脈洪大而虛重按全無此

血虛脈也誤服白虎湯必死方見發熱不止

益氣養榮湯治氣血損傷四肢頸項等處患腫不問堅軟赤白痛否日晡發熱或潰而不斂者方見鶴膝風

十全大補湯治諸瘡血氣虛不能潰腐收斂或膿出發熱惡寒汗出煩眩口眼歪斜或肌瘦少食發熱口乾等症須多服之

為善方見便癰

參芪托裡散

補中益氣湯方見肌肉不生

托裏消毒散

托裡散二方見熱毒瘡癰

五味異功散方見用助毒之藥

如聖餅方見流注

神效散方見胎毒發丹

八珍湯方見發熱不止

醫癰七

醫癰屬膀胱經濕熱或稟賦陰虛若腫硬作痛用內托羌活湯微腫微痛用托裡消毒散若初起大痛或五日之間似消不消似潰不潰者先用仙方活命飲後用托裡消毒散若已潰食少體倦瘡不生肌脾胃虛弱者用五味異功散加柴胡升麻稟賦陰虛小便數而不斂者加減八味丸氣虛久不生肌收口用豆豉餅及補中益氣湯培養元氣若用解熱攻毒及敷圍寒涼之劑則氣血受傷必成敗症矣  
一小兒患此腫硬不赤旬餘矣面赤痿黃飲食少進此脾氣虛弱也先用異功散飲食漸進漫腫漸消乃用托裡散少加肉桂而潰又用八珍湯而斂

薛氏醫案

保嬰最要卷之十三

年

八

一小兒患此久不收斂四圍微黯瘡口黑色膿水清稀寒熱晡熱脈浮而數兩寸按之如無此陽氣虛而陰血弱也朝用補中益氣湯夕用異功散半載而愈

一小兒腎瘡潰而不斂面色時赤此稟肝腎陰虛朝用八珍湯加五味子夕用加減八味丸諸症漸退又用托裡散間服而愈

一小兒腎瘡久不收斂肢體倦怠晡熱作渴此稟足三陰虛也

用五味異功散加減八味丸漸愈又用托裡散而斂

一小兒腎癰久不生肌面色痿黃仍欲敗毒以收斂余曰脾主肌肉脾健則肉生遂朝用補中益氣湯夕用五味異功散及葱熨法脾氣壯肌肉生而愈

一小兒腫硬不消肉色不變此脾胃之氣虛怯不能運及惡處耳朝用補中益氣湯夕用五味異功散以接虛怯之氣月餘而消其時同患是症外敷寒涼之藥內服犀角丸者無不受害

一小兒十五歲久不愈發熱體瘦面白噎氣格服消食清熱等藥余謂心火虛而脾氣弱也先用八味丸為主佐以六君子湯

補中益氣湯尋愈畢姻後腎間患疽漫腫堅硬肉色不變手足時冷脈浮大按之微細兩尺為甚先用八味丸料四劑又用十全大補湯患處色正而消

丙托羌活湯治尻腎生癰堅硬腫痛

羌活 黃柏酒製各錢 防風 藁本

當歸尾各五分 肉桂 連翹 甘草炙

蒼朮 陳皮各三分 黃芪八分

右作二劑水一鍾入酒一杯煎空心服

仙方活命飲

薛氏醫案

保嬰最要卷之十三

托裏消毒散

三方見熱毒瘡瘍

神功解毒散

方見臂癰

加味八味丸

方見作渴

八珍湯

方見發熱不止

葱熨法

方見流注

腿癰

腿癰之症所主之經不同而所治之法亦異發於內側者屬肝脾二經發於外側者屬膽胃二經漫腫堅硬者元氣虛弱也用內補黃芪湯腫勢高熾者元氣未虛也用內托柴胡黃芪湯外並用隔蒜熨法若瘀血凝結而不消或不作膿者用活命飲血氣虛弱而不能潰及不生肌肉者用托裏散此其梗槩云爾

一小兒內臙腫痛惡寒發熱此屬肝膽經分乃用神功解毒散加柴胡白芷二劑漫腫頰消惟中央一塊尚腫又二劑而成膿以托裏消毒散潰膿而愈

一小兒腿內側前臙患毒潰後腫硬色黯膿清不斂面色青黃此脾虛肝旺兼寒邪襲於患處也當壯元氣為主先用異功散加柴胡升麻及葱熨法脾氣漸復患處漸愈佐以八珍湯豆豉飲而愈

一小兒腿內熾赤大腫發熱此血熱內鬱而欲為膿耳當先殺其大勢用隔蒜灸法灼艾試蒜熱移患處二十餘炷痛始減再二十餘炷腫漸消又用仙方活命飲瘡頭出水而愈

一小兒腿內側患此膿內潰惡心倦怠面色痿黃右關脈弦大按之微細此脾胃虛弱肝木所乘也先用小兒升麻柴胡四劑

元氣漸復乃佐以托裡散而愈

一小兒腿外側腫痛肉色如故用托裡消毒散二劑而腫始赤又四劑而腫赤亦退又六劑潰而膿出清稀食少體倦用異功散加芎歸仍用托裡散補其元氣而愈

一小兒漫腫堅硬肉色不變此陽氣虛而不能成膿也用托裡散如聖餅腫起色赤用托裡消毒散而膿成針之用八珍湯加肉桂漸愈因傷食吐瀉患處天白飲食少思先用六君乾羌次用八珍湯及葱熨法而愈

一小兒患此久不愈膿水清稀面色痿黃腹大青筋此脾氣虛而肝所侮也朝用補中益氣湯夕用五味異功散元氣稍復乃佐以四味肥兒丸及葱熨法兩月餘而愈

一小兒腿外腫一塊服消腫之藥其腫益甚肢體羸瘦飲食

少思更加作痛余曰先腫

後痛者形傷氣也先痛而後腫者

氣傷形也當補接陽氣不

衛之氣充滿抑遏不能行故

奪盛熱之氣若人飲食疎精神衰氣血弱肌肉消薄故榮衛之

氣短促而滯滯故寒搏腠理閉鬱而為癰者當補之以接虛怯之氣信矣

四味肥兒丸治肝脾不和患瘡瘍久不愈或兼疔症腹脹作瀉

或食積脾疳發熱瘦怯遍身生瘡

黃連

蕪荑

神麩

麥芽

右為末水糊丸桐子大每服一二十丸空心白滾湯送下

附子餅治潰瘍氣虛不能收斂或風邪所襲氣血不能運於瘡口以致不能收斂者用炮附子去皮研碎以唾津和為餅



置瘡口上為艾壯於餅土灸之每日數壯但令微熱勿至  
熱痛如餅灸乾用唾津再和灸之以瘡口活潤為度

六君子湯治瘡場因脾氣虛弱不能生肌以致瘡口不斂若脾  
氣既充而瘡口不生肌肉者此寒邪所釀也更用豆豉餅或

附子餅熨之

仙方活命飲

托裡消毒散 二方見熱毒瘡瘍

葱熨法

如聖餅 二方見流注

丙托羗活湯 方見臂癱

五味異功散 方見用敗毒

附子餅 方見肢癱

十全大補湯 方見便癰

補中益氣湯 方見肌肉不生

八珍湯 即四君四物

鼓餅 方見肢癱

### 鶴膝風

鶴膝風者其腿漸細其膝愈寬狀如鶴膝是以名之此因稟腎  
經不足外邪所乘而患之初則膝內作痛外色不變伸屈艱難  
若一二月間腫脹色赤而作膿者可治腫硬色白而不作膿者  
難治初起者用大防風湯為主佐以益氣養榮湯膿成者用補  
中益氣湯為主佐以大防風湯切勿用十宣流氣等藥若不潰  
不斂或發熱等症者須調補脾胃為善否則必變敗症矣  
一小兒九歲患此作痛用葱熨法及大防風湯腫起色赤用仙

方活命飲補中益氣湯間服腫漸消又以獨活寄生湯與補中  
益氣湯間服二三日用葱熨一次至兩月餘而消

一小兒患此大潰不斂體倦食少口乾發熱日晡尤甚此脾氣  
虛甚也用補中益氣湯五劑以補元氣乃用大防風湯一劑以  
治其瘡如是月餘諸症悉退遂用十全大補湯佐以大防風湯  
而斂

一小兒患此潰而不斂不時寒熱小便赤澀此血氣虛也用十  
全大補湯加麥門冬五味諸症頓退乃去桂苓常服佐以和血  
定痛丸而愈

一女子左腿作痛服流氣飲之類左膝腫硬頭運吐痰余謂此  
鶴膝風也其脈弦數而無力乃稟賦肝脾腎三經之症此形氣  
虧氣俱虛者當先調補脾胃為主不信仍攻邪氣諸症蜂起余

先用五味異功散加升麻乾薑肉桂脾氣稍健又用異功散  
環湯而潰却間服大防風湯地黃丸而痊

一小兒兩膝漸腫傳服皆消毒之藥足頸赤腫此稟父腎氣不  
足用地黃丸八珍湯而消若用流氣敗毒等藥必致不起  
大防風湯治鶴膝風腫痛不消或潰而不斂

- 附子炮 牛膝酒炒各一錢 白朮
- 人參 防風各二錢 杜仲去皮 川芎
- 肉桂去皮 黃芪炒 熟地黃自製 芎藭炒各一錢五分
- 甘草一錢

右每服三五錢水煎仍量兒大小用之  
益氣養榮湯治氣血虛弱四肢頸項等處患腫不問腫潰日久  
不斂俱宜服之

人參

茯苓

陳皮

貝母

香附炒

當歸酒洗

川芎

黃芪

熟地黃自製

芍藥炒各錢

甘草炙

桔梗各五分

白朮炒

柴胡六分

右每服二三錢菴水煎

獨活寄生湯

獨活

桑寄生

杜仲炒

細辛

牛膝酒炒去土

秦艽

茯苓

白芍藥

桂心

川芎

防風

甘草

人參

熟地黃

當歸各等分

右每服二三錢水煎空心乳母同服

八珍湯方見發熱不止

十全大補湯

方見便癰

補中益氣湯

方見肌肉不生

和血定痛丸

葱熨法

二方見流注

南氏醫按  
傷寒撮要卷十三  
三

傷寒撮要卷十四  
續集  
薛氏醫按  
吳郡薛 巳著  
江都吳中珩校

傷寒撮要卷十四 續集

薛氏醫按

吳郡薛 巳著

江都吳中珩校

肺癰肺痿

齊氏云肺癰肺痿因脾肺氣虛腠理不密外邪所乘或母食辛辣厚味遺熱於兒或兒有病過於汗下內亡津液虛火爍肺或服剋伐之藥虧損脾胃不能生肺金其症惡風咳嗽鼻塞項強呼吸不利甚則四肢微腫咳唾膿血若吐臭穢胸中隱痛脈數而實者為肺癰咳唾涎沫脈數而虛者為肺痿惡寒喘嗽者寒邪內蘊也小青龍湯咳唾膿穢者肺癰內潰也桔梗湯竊謂前症若喘咳短氣者脾肺氣虛也五味異功散咳唾膿痰左尺脈數而無力者腎氣虛也六味地黃丸咳唾膿痰右關脈數而無

力者脾氣虛也七味白朮散若發熱喘嗽唾膿不食者脾肺虛甚也難治大要補脾肺滋腎水為善仍審五臟相勝乳母七情後症做此

一小兒感冒停食吐瀉用疎利之劑咳嗽膿血此中氣復傷而變肺癰也用桔梗湯而愈後咳嗽吐血仍用前藥佐以異功散而痊

一小兒停食服瀉藥而變肺癰余先用異功散以救脾肺次用桔梗湯以治肺癰而痊

一小兒停食服尅伐之藥唾痰腥氣面赤氣喘此元氣復傷而成肺癰也用桔梗湯膿痰頓止翌日喘甚此脾氣虛而不能生肺也用異功散加杏仁百令愈後小便澁滯服八正散小便愈澁咳嗽吐痰面赤盜汗余謂肺氣虛熱前藥虧損真陰虛火燥肺金而然用異功散以補脾土地黃丸以滋腎水遂愈

一小兒肺癰愈後咳嗽面色白或痿黃手足冷小便頻此因脾虛不能生金也服參蘇飲之類自汗盜汗昏憤發搐遺尿下氣手足如水面色青白此陽氣脫而虛寒也用人參一兩乾薑二錢大棗五枚米泔煎沸先灌一杯將熟又灌二盃連用三劑而避更朝用補中益氣湯久用異功散而愈

一小兒十五歲因勞傷元氣而咳嗽誤用表散之劑復傷肺氣成癰咳嗽膿血用桔梗湯為主佐以異功散膿漸少專用異功散膿止而愈後因書課過勞自汗時嗽服外感藥咳嗽益甚胸膈痞滿呼吸不利余謂脾肺之氣虛甚而然用參芪補脾湯而痊一小兒咳嗽服參蘇飲而益甚右寸關之脈浮散余謂此風傷皮毛熱傷血脈血氣稽留蘊結於肺而成癰也不信仍服表散唾咳膿血余曰此因肺虛不能攝氣脾虛不能攝涎耳當補

脾土以生肺金又不信果歿

一小兒感冒咳嗽發散過度喘促不食痰中有血余用桔梗湯而愈後元氣未復大便似痢或用芩連枳實之類變慢脾風而小青龍湯治傷風冒寒咳嗽喘急肺脹胸滿鼻塞流涕或乾嘔熱咳或作渴或作噎或小便不利或小腹脹滿此仲景之法有良驗之及時殊

麻黃去節

赤芍藥

半夏各七錢

細辛

乾羗炮

甘草炙

桂枝各三錢

五味子半兩

附子二錢浮不用

右每服二錢水煎

桔梗湯治咳嗽膿血腥穢已成癰症

桔梗炒

貝母去心

知母炒

桑白皮炒

枳殼各一錢

地骨皮

瓜蒌仁

薏苡仁

杏仁炒五分

當歸

黃芪炒各一錢

五味子炒

百合炒各一分

防已一錢

甜葶藶炒五分

右每服二三錢水煎

升麻湯治肺癰膿血穢臭胸乳皆痛

升麻

桔梗炒

薏苡仁

地榆

條芩炒

牡丹皮

芍藥炒

甘草各等分

右每服二三錢水煎

排膿散治肺癰此方排膿補肺

黃芪鹽水拌炒

白芷

人參

五味子炒研碎

右為末每服一二錢蜜湯調下

射干湯治胃脘癰吐膿血

射干 去毛

梔子仁

赤茯苓

升麻

赤芍藥

一兩三錢 白朮 五錢

右每服三五錢水煎八地黃汁少許再煎服

人參平肺散治心火尅肺金傳為肺癰咳嗽喘嘔痰涎壅盛胸膈痞滿咽嗑不利

人參

陳皮

甘草

地骨皮

茯苓 各一錢

知母 炒七分

五味子

青皮

天門冬

去心四分 桑白皮 炒一錢

右每服二三錢

參芪補脾湯治肺癰脾氣虧損咳吐膿涎或中滿不食必服此

藥補脾土以生肺金否則不治

人參

白朮 各二錢

黃芪 炒二錢五分 茯苓

陳皮

當歸 各一錢

升麻 二分

麥門冬 七分

五味子

梓四分 桔梗 炒六分

甘草 炙五分

右作三服羌棗水煎

人參補肺湯治肺症咳喘短氣或腎水不足虛火上炎痰涎壅

盛或吐膿血發熱小便短澀

人參

黃芪 炒

白朮

茯苓

陳皮

當歸 各一錢

山茱萸

乾山藥

五味子

梓 麥門冬 去心 甘草 炙

熟地黃 自製

牡丹皮 各五分

右每服五錢水煎服

五味異功散 方見用敗毒之藥

七味白朮散 方見發熱不止

腸癰二

張仲景云腸癰之症因飲食積熱或母食辛熱之物所致小腹按之則痛小便數似淋腹急惡寒身皮甲錯或自汗惡寒若脈遲緊未有膿者用仙方活命飲以解其毒脈洪數已有膿者服太乙膏以下其膿小腹疼痛小便不利者膿壅滯也牡丹皮散主之竊謂經云腸癰為病不可遽驚則腸斷而死故坐卧轉側之間須令徐緩時少飲薄粥及用八珍湯固其元氣靜養調理庶可保也

一小兒小腹作痛小便如淋身皮甲錯此腸癰也膿已成用薏苡仁湯排膿散而痊

一小兒腹中作痛時或汗出身皮甲錯小便如淋脈滑數膿已成也用大黃湯一劑下膿甚多又用薏苡仁湯而痊

一小兒小腹脹痛脈浮數按之遲緊不時畏寒大便或欲去而不去少便頻而短此為腸癰但膿未成耳不信或作痢症用清熱分利之劑諸症蜂起而歿

一小兒停食腹脹痛二便不利服草果良薑之類更加發熱作渴脈洪大而數余曰此飲食滯而蘊熱將成膿矣前藥非其治也不信仍復之腹發赤暈大便下膿而歿

一小兒患腸癰先用太乙膏後服牡丹皮散下膿而愈後因跌腹內作痛遍身皆赤良久身黯而歿蓋腸斷故也

大黃湯治腸癰小腹堅腫按之則痛肉色如常或炊赤微腫小便頻數汗出憎寒脈遲緊膿未成也急服之

大黃炒 朴硝各二錢 牡丹皮 瓜蒌仁

桃仁去皮尖 各二錢



右每服二三錢水煎

薏苡仁湯治腸癰腹中痛煩躁不安或脹滿不食小便澀滯

薏苡仁

牡丹皮

桃仁各三兩

瓜蒌仁四兩

右每服四錢水煎

桃仁湯治腸癰腹中痛煩躁不安壅痛大便閉澀亦有繞臍生

瘡者但用此藥無妨

桃仁

大黃炒

牡丹皮

芒硝

犀角鎊

冬瓜仁研各二錢

右水煎入犀角末服

牡丹皮散治腸癰腹濡而痛時下膿汁或下血

牡丹皮

人參

天麻

白茯苓

黃芪炒

薏苡仁

桃仁

白芷炒

當歸

川芎

官桂

甘草各五分

木香二分

右每服三五錢

仙方活命飲

方見熱毒瘡瘍

太乙膏

方見跌撲外傷

八珍湯

方見發熱不止

痔瘡

痔瘍之症或因稟受胎毒或膏粱食積或母食炙博厚味所致  
腫痛者濕熱作痒者風熱便秘者火盛膿潰者血熱濕熱加味  
槐花散風熱秦芫蒼木湯便秘清燥湯膿潰黃芪散薰洗則葱  
湯槐角五倍子等藥或真蒲黃以猪脂調敷如有兼變之症參  
各門治之

一 小兒患痔赤腫作痛用黃連解毒湯而痛止又用托裡清肝散及加味槐角丸而瘡愈

一 小兒因飲食停滯發熱患痔大便不利腫痛寒熱不時發搐此脾氣傷而肝乘之也先用保和丸末二錢以柴胡山梔煎湯調服食消搐止又用四味肥兒丸數服而愈

一 小兒十二歲不戒厚味醇酒不時作痛或大便秘結小便澀滯用龍膽瀉肝湯治之而安後飲燒酒前症復發遍身色赤煩躁飲冷醋半鍾赤熱悉退腫痛頓減

一 小兒因乳母食炙燻之物肛門腫痛用清胃散母子並服子又服四味肥兒丸而愈後因乳母恚怒胸脇作痛頻飲糖酒兒病復作發搐母先服加味小柴胡湯二劑次服加味逍遙散兒服四味肥兒丸而愈

一 小兒肛門腫痛大便不通服大黃之藥腫痛益甚虛此仍欲攻瘡余曰此因脾氣復傷而然也用異功散升麻柴胡為主佐以加味槐角丸腫痛漸退又用黃連解毒湯而出膿用

秦艽蒼朮而瘡愈

一 小兒肛門腫痛發熱飲水口鼻氣熱此脾肺經實熱先用瀉黃散二服而熱退又用枳殼散而痛止用金銀花散而腫痛消後母食膏粱兒患復作母用清胃散而腫痛消

一 小兒誤吞信石遍身發赤嘔吐煩渴肛門腫痛便秘飲冷服冷米醋一鍾赤暈立消腫痛頓止又用黃連解毒湯金銀花而愈

一 小兒痔瘡不時腫痛服加味槐角丸而愈至十歲而復作發熱體倦肛門堅腫用地黃丸八珍湯堅腫漸消血氣漸愈或間

痔瘡

痔瘡

痔瘡

痔瘡

痔瘡

止藥餌勞役不節諸症仍作用前藥隨愈畢姻後肛門腫潰而串臀用補中湯地黃丸腎間漸愈或用追蝕等藥堅核雖消痛傷元氣瘡口不合余用八珍湯地黃丸兩月而斂後不守禁忌又且攻毒以至屢發元氣日虛而歿古人云善服藥不若善保養信夫

苦參散治痔瘡腫痛發熱

枳殼楚炒

黃連

大黃

甘草

荆芥

苦參

赤芍藥

黃芩

右水煎薰洗

加味槐花散治腸風下血痔瘡腫痛發熱便秘

槐花

熟地黃

白朮

青皮

荆芥穗

川芎各二分

當歸身

升麻各四分

枳殼楚炒

右水煎服

秦艽蒼朮湯治痔瘡大便堅硬小便頻數內熱作渴

秦艽

蒼朮各五分

澤瀉

防風

桃仁

皂角子仁炒

當歸尾

黃柏

山梔炒各三分

右作二劑水煎服

清燥湯治大腸風熱血燥秘結不通痔瘡等症

生地黃

山梔

麻子仁研各五分

黃芩

川芎

羌活

黃柏

郁李仁

芍藥

當歸尾

甘草各四分

澤瀉二分

右水煎服

薛氏醫案

保嬰撮要卷之十四

八

甫九五

黃芪散治痔瘡并一切潰瘍虛弱發熱

茯苓

黃芪炒

當歸

川芎

白芍藥

白芷各五分

升麻

山梔炒各二分

右水煎服

枳殼散治痔瘡腫痛或下血

枳殼去穢炒

槐花

荆芥

皂角子仁炒

蝟皮灸各等分

右為末每服一錢滾湯下作丸亦可

加味槐角丸治症同前

槐角炒

枳殼麩炒

當歸

黃芩

皂角仁炒

蝟皮灸

秦艽

白芷各等分

右為末每服一二錢水煎服或蜜丸量兒大小服

又方治痔痛不可忍

羊膽一個

冰片五分

右以冰片為末羊膽塗之

丹石散治痔瘡熱痛如神

黃丹

滑石各等分

右為末新汲水調塗日三五次

勝雪膏治痔瘡熱痛不可忍

片腦

鉛白霜各等分

右為末好酒研成膏塗之隨手愈

又方用生括蕒根研如泥猪油調塗

黃連解毒湯方見作痛不止

托裡清肝散方見囊腫

痔天醫案

痔天醫案

九

有九六

四味肥兒丸

方見疳積

加味小柴胡湯

方見熱毒瘰癧

加味逍遙散

方見發熱不止

龍膽瀉肝湯

方見下疳瘡

下疳陰痿

下疳陰痿皆屬肝火濕熱或稟賦肝經陰虛腫痛發熱者肝火濕熱也先用加味小柴胡湯再用龍膽瀉肝湯腫痛便赤者肝火陰虛也用加味逍遙散加龍膽草生地黃瀉而腫痛不消者小柴胡湯加芎歸黃芪瀉而腫痛已消用四物湯加丹牡皮柴胡益肝屬木得雨露則森茂遇酷日則萎軟若誤謂虛寒投以熱劑輕則囊莖生瘡重則腐而難斂皆宜滋腎水生肝木清肝火故云肝氣熱則莖痿宗筋弛縱陰莖腫脹或出白液或痒痛

裡急筋縮挺縱不收或精出便下此名筋疝俱肝火也

黃宗伯季子初生時母弃於水逾日不死復收之遂成喘嗽頷腋臂股各結塊核潰而色紫候觸之痛徹於心服辛溫化毒等劑不應時已弱冠予曰初生喘嗽者形寒傷肺也既長而喘嗽者肝火刑肺也故結核俱在肝膽部分始用補中益氣湯後用九味蘆薈丸不月諸症悉愈此稟母之肝火而患也

一小兒下疳潰爛發熱作渴日晡尤甚此肝疳而脾氣虛也用補中益氣湯後用九味蘆薈丸諸症悉愈

一小兒二歲莖痿瘰癧時出白津余以為肝火不信或與溫補腎經後陰囊焮腫莖中作痛余用龍膽瀉肝湯六味地黃丸而愈

一小兒睪丸作痛小便赤澁寒熱作嘔此肝火濕熱不利用小

少胡湯加山梔車前子茯苓而愈子也

一小兒睪丸腫痛小便黃澀寒熱作渴此肝火所致用小柴胡湯加山梔車前子并九味蘆薈丸間服而消

一小兒陰莖腫痛腹內一塊或作痛或上攻小便不調此稟肝火為患用龍膽瀉肝湯九味蘆薈丸愈後形氣消燦發熱作渴此肝火制脾土而然也用益氣湯蘆薈丸異功散而安

一小兒陰莖作痒搔破出水小便赤澀此稟肝腎陰虛火動用龍膽瀉肝湯清肝經濕熱佐以地黃丸補腎肝陰虛而愈後乳母惱怒小便澀滯兩肋腫痛兒陰復痒驚搐困倦用異功散以補脾土用地黃丸以滋腎肝而愈

一小兒十五歲患疝久不愈形氣骨立不時寒熱小便不調飲食少思此稟肝疝虛羸也朝用益氣湯以培胃氣夕用地黃

丸以滋腎水為主佐以九味蘆薈丸治疝而痊

一女子十五歲面青善怒體瘦作渴天癸未至不時寒熱口舌生瘡後患陰瘡濕痒無寐善驚此稟肝脾虛羸之變症也當以救脾氣遂朝用補中益氣湯夕用加味歸脾湯諸症漸愈却以九味蘆薈丸而痊

一女子十四歲稟肝經濕熱肌體消瘦寒熱如瘧下部患瘡先用加味小柴胡湯寒熱頓退但晡熱少食用加味逍遙散為主以九味蘆薈丸為佐而愈出嫁後前症仍作另用雜藥瘡口翻出如菌余用龍膽瀉肝湯加味逍遙散而愈

一小兒十五歲患疝書課過勞即寒熱頭痛形氣殊倦腿足疲軟左關脈洪數左尺脈洪數而無力余謂此稟肝腎陰虛兼飲食勞役之症也宜先調補胃氣以滋化源不信或以為陰虛

濕熱下流恪服四苓四物之類諸症益甚余曰陰虛謂脾經虛也脾為至陰以丁火為母虛則宜補丁火以生巳土腎屬水以辛金為母腎虛則宜補辛金生癸水也今因脾經陽弱而陰虛反用沉寒之劑復傷陽氣以絕化生之源欲保其不危難矣果歿

龍膽瀉肝湯治肝經濕熱不利下部生瘡兩拘腫痛或腹中作痛小便澀滯等症

龍膽草 酒拌炒 澤瀉

車前子 炒

木通

生地黃 酒拌

當歸 酒拌

山梔

黃芩 炒

甘草 各等分

右水煎食前服

加味小柴胡湯 即小柴胡加山梔牡丹皮 治肝膽經有熱下部濕瘡寒熱腫

熱潮熱等症 方見熱毒癰瘡

六味丸治肝腎陰虛下部生瘡或發熱作渴小便頻數或腎水不足而不能生肝木致血燥筋攣頷項肢節等處結核或潰而不能收斂或肝腎虛弱發熱盜汗肢體消瘦小便赤澀尿血下血或大小便牽痛氣短痰嗽吐血眩運耳聾口燥齒痛失音腰腿疲軟此皆稟不足也 方見作渴不止 敷藥必効散治下疳腐潰作痛

黃連

黃柏

龍膽草 各一兩

輕粉 五分

右為末油調搽人片腦更効若用當歸膏調傅尤佳

如聖散治下疳腐久不愈

五倍子 二錢

片腦 一錢

黃連 五錢

蘆甘石 煨三錢

右各為末乾敷毒未盡者加黃連末 三錢

九味蘆薈丸

方見喉痺

加味清胃散

方見熱毒口瘡

聖愈湯

方見出血不止

補中益氣湯

方見肌肉不生

八珍湯

方見發熱不止

加味歸脾湯

方見脇癰

四君子湯

方見腹癰

仙方活命飲

托裡消毒散

二方見熱毒瘡瘍

便癰

五附謂兩物小腹兩邊拘中患之

便癰因肝火肝痛或稟肝經熱毒若初起腫硬作痛者先用龍膽瀉肝湯一二劑腫痛不減用仙方活命飲二劑五七日不減腫尚硬亦用煎二藥各一劑如不消或更痛欲成膿也用活命

飲一劑却用托裡消毒散加柴胡山梔一二劑若膿已成而不潰者血氣虛也用托裡消毒一二劑膿已潰而痛不止者毒氣不解也用活命飲一劑若膿已出而反痛者益氣虛也用內補黃芪湯膿已潰而發熱煩躁者氣虛血脫也用當歸補血湯膿已潰而惡寒發熱者血氣俱虛也用十全大補湯膿已潰而惡寒者元氣虛也用補中益氣湯膿已潰而不生肌者脾氣虛也用六君子湯若稟賦怯弱或因飲食勞倦而為患者但用補中益氣湯加射干自消設使不分經絡不別虛實概行攻伐虧損氣血則輕者難治重者必變症甚至不起  
一小兒腫痛色赤寒熱似瘧小便不通此肝經濕熱用龍膽瀉肝湯一劑小便清利寒熱頓除又用加味逍遙散加龍膽草二劑腫痛悉退而愈



一小兒患此腫硬作痛小便澀滯先用龍膽瀉肝湯小便頓利  
又用活命飲一劑而消後腹腫赤作痛此欲作膿也先用活命  
飲二劑殺其大勢却用托裡消毒散加柴胡山梔三劑以指按  
之腫隨指復起此膿已成也用托裡散一劑翌日針之膿出腫  
消再用托裡散而愈

一小兒患此服大黃等藥瀉而腸鳴腹腫硬痛少食此脾胃復  
傷而變症也用五味異功散加升麻柴胡木香飲食漸進乃去  
木香加黃芪當歸數劑而膿成又用托裡散加皂角刺而膿潰  
乃去皂角刺倍用參芪而愈

一小兒瘡勢已成用消毒之藥其腫散漫自汗發熱惡寒少食  
此氣血虛甚也用大補湯四劑針之膿出腫消却用托裡散八  
珍間服而愈

一小兒膿成不潰誤用大黃之類以下膿泄瀉不止腫硬色白  
腹痛欲嘔手足並冷此脾氣虛而復傷也用異功散加升麻薑  
桂四劑乃去羌桂加歸芪二十餘劑膿潰而愈

一小兒潰後咬牙呵欠尋衣捨物此肝經氣血虛也先用八珍  
湯加釣藤鈎五味子諸症頓愈又用托裡散及八珍湯而痊

一小兒潰後驚悸發搐呵欠咬牙此心肝二經氣血俱虛也先  
用補心湯安神丸虛症尋愈再用八珍湯托裡散肌肉漸生却  
用地黃丸而瘡口斂

一小兒患此久不愈頭重胸滿飲食少思此稟脾胃虛弱也先  
用補中益氣湯加蔓荊子諸症尋愈次用八珍湯佐以五味異  
功散月餘瘡口漸斂仍用十全大補湯而痊

一小兒十五歲稟賦虛弱因勞役過度患此寒熱如瘧用補中

益氣湯將愈惑於人言誤服大黃之藥吐瀉大作手足厥冷寒熱尤甚余用六君子加薑桂諸症稍愈但赤腫不消此欲作膿也又數劑後朝用益氣湯夕用大補湯五十餘劑而痊

一小兒潰後腫硬肌肉不生瘡口不斂余欲滋其化源以生肝血不從仍伐肝清熱以致元氣日虛惡症蜂起而歿夫肺者腎之母脾者肺之母今既不滋肺腎以生肝木又傷脾土以絕肺腎之化源其不死者鮮矣

一小兒十四歲每飲食勞倦則惡寒發熱兩拘患腫余用益氣湯而愈彼惑於人言乃服大黃之類發搐口噤手足並冷良久少甦余用大料益氣湯數劑而安又二十餘劑而愈

一小兒兩拘患腫小便澄白肢體消瘦發熱眼劄此稟肝火之症用龍膽瀉肝湯為主四味肥兒丸為佐各數服腫熱漸退改

用四味肥兒丸為主龍膽瀉肝湯為佐又各數服將愈及用地黃丸而痊

一小兒兩拘腫痛小便不利或赤白濁此係肝火熾而脾氣傷也朝用補中益氣湯夕用地黃丸各數劑而愈後因過勞盜汗發熱兩拘仍腫用前藥佐以地黃丸而愈

一小兒每勞則兩拘腫痛小便白濁夜間發熱此稟肝火脾虛而元氣下陷也用補中益氣湯清心蓮子飲後患下疳用四味肥兒丸加味道遙散而愈

一小兒兩拘腫痛小便赤澀或兼澄白此肝脾疝症先用九味蘆薈丸數服諸症漸退次用四味肥兒丸二十餘服而愈

一女子兩拘腫痛小腹作痒小便赤澀發熱晡熱月經不調先用加味小柴胡湯四劑腫漸消次用加味道遙散諸症漸愈佐

以四味肥兒丸而愈

一小兒十四歲每飲食勞倦隨患寒熱兩拘腫痛服大黃之類發搐口噤手足並冷良久少甦余用大劑補中益氣湯數劑而安又二十餘劑而腫痛愈

一小兒患此腫硬色白形氣俱虛余謂常補脾胃則腫硬自消不信乃以銅器壓之及傳山藥內服伐肝之藥遂致不起夫銅金也山藥屬金金能制木肝經有餘之症當用之今不足之症宜滋腎水而反尅之不起宜矣治者不可不察

一小兒患此腫硬作痛自汗盜汗體倦少食此稟虛弱也非補元氣不能腐化成膿非補脾胃不能生肌斂口彼嫌迂緩另用萬金散毒從大便出而內消一服咽下連瀉數次皆飲食再服瀉下鮮血遍身皆青余曰此陰陽二絡俱傷也辭不治經云陽

絡傷則血外溢陰絡傷則血內溢信然

一小兒十四歲功課過度夢遺惡寒拘間腫痛余用大劑益氣湯而愈彼誤用攻毒之劑患便癰腫硬作痛肉色不變余用益氣湯及大補湯而愈畢姻後復患此服穿山甲大黃之類元氣益虛腫硬如石外傳大黃朴硝虛症蜂起余用葱熨法豈豉餅及前一劑雖愈終以不謹變瘵症而歿

清心蓮子飲治心腎虛熱患便癰發熱口乾小便白濁夜則安晝則發熱

黃芩炒

麥門冬

地骨皮

車前子炒

甘草各三錢半

石蓮肉

茯苓

黃芪炒

柴胡

人參各二錢

右每服五錢水煎

秘旨安神丸治稟心脾氣血虛弱發熱不安瘡不生肌睡中掣  
鶻悸

人參

半夏

湯泡

酸棗仁

茯神

各一錢

當歸

酒洗

橘紅

赤芍藥

五味子

五粒

甘草

炙三錢

右為末薑汁糊丸芡實大每服一九羌湯下

補中益氣湯治稟元氣虛弱因勞而拘中作痛或患便癰寒熱

口乾作渴宜此湯加射于主之如寒熱已退而腫不消此欲

作濃也宜用十全大補湯 方見肌肉不生

十全大補湯治稟元氣虛弱因勞患便癰或拘中作痛服補中

益氣湯寒熱退而腫不消散此血氣虛而不能成膿也宜服

此湯已成而不能潰或已潰而不能生肌或寒熱不止自汗

盜汗膿清不斂者但服此藥則元氣自復諸症自愈

白茯苓

人參

當歸

白朮

炒

黃芪

川芎

肉桂

白芍藥

炒

熟地黃

自製

甘草

炒各等分

右每服三五錢薑棗水煎服

內補黃芪湯 方見發熱不止

龍膽瀉肝湯 方見下疳瘡

九味蘆薈丸 方見喉痺

四味肥兒丸 方見胎毒瘡癩

補心湯 方見胎毒瘡癩

六味地黃丸 方見作渴不止

加味小柴胡湯 方見熱毒瘰癧

囊癰 六謂陰囊患癰

囊癰屬肝經濕熱或稟胎肝熱所致初起腫痛小便赤澀者濕熱壅滯也先用龍膽瀉肝湯如不消用仙方活命飲若腫痛數日不止欲作膿也用托裡消毒散若腫未潰而小便不利者毒氣壅滯也當分利之膿已成而小便不利毒氣未解也當針泄之膿出而反痛者氣血虛也當補益之若元氣無虧雖陰囊悉潰舉丸懸露亦不為害若乳母恚怒令兒患此者加味逍遙散肝經氣血虛者八珍散加味柴胡山梔俱加漏蘆子母並服

一小兒小便澀滯腫痛寒熱此肝經濕熱也用龍膽瀉肝湯而消但內熱倦怠此兼脾氣虛弱也用四君子加柴胡山梔芎歸而愈

一小兒腫痛寒熱用尅伐之藥不能成膿用托裡清肝散而膿潰用托裡散而瘡斂後寒熱如瘡小便閉塞用小柴胡湯加山梔龍膽草車前子而愈

一小兒患此大潰痛甚煩躁飲冷此餘毒尚在與活命飲二劑腫痛頓退又用四君柴胡山梔四劑諸症悉退及托裡散而痊

一小兒陰囊赤腫作痛針而膿出頓安忽發熱作渴此邪氣去而真氣虛也用聖愈湯及八珍柴胡山梔將愈因乳母恚怒復作用加味逍遙散加漏蘆與母服其兒頓愈

一小兒陰囊每患赤腫必因其母恚怒及飲酒而發余審其因怒用加味逍遙散加漏蘆飲酒用加味清胃散加乾葛神麩與母服之其兒隨愈

一小兒陰腫小便赤澀此稟肝經有熱也用加味小柴胡加漏蘆與母服子日飲數滴四劑而愈

百氏醫抄 卷之十四 六  
一小兒患此腫硬不消發熱作痛大便不實飲食無味此消導過多而脾胃傷也先用異功散數劑元氣漸復又用托裡散加柴胡山梔而膿成針之膿出發熱惡寒此血氣俱虛也用大補湯加柴胡山梔寒熱頓止又數劑而漸愈後因勞發熱腫痛用益氣湯托裡散瘡口漸斂而愈

一小兒十六歲患此膿清補熱遺精盜汗此稟元氣虛甚也用大補湯地黃丸料各二十餘劑元氣稍復又各三十餘劑汗止熱退犯房事患處頓黯昏憤吃逆手足竝冷此脾氣虛寒之惡症用獨參湯四劑而甦用大補湯加乾羌四分陽氣漸復乃去乾羌又二十餘劑而痊

一小兒患此潰而腫硬不消服敗毒敗傳寒涼藥肌肉不生瘡口開張膿清色黯自汗余謂非補脾則肌肉不生彼欲速効乃

外用生肌散反助其邪致生瘀肉填塞瘡口半載不愈用異功散加當歸黃芪三十餘劑又用托裡散隔蒜灸而愈

一小兒囊癰出血久不愈左頰色青赤此心肝二經風熱而血不歸經也先用加味逍遙散六味地黃丸清肝熱滋腎水而血止用托裡散而瘡愈

一小兒患前症膿清發熱久而不斂左頰青兩頤赤余謂稟肝腎陰虛而兩位青赤脾胃氣虛而膿清不斂當補足三陰為善不悟泛用雜藥後果歿

一小兒患前症久不愈面色皎白左頰為甚余謂前症屬肝木面白屬肺金左頰屬肝經乃金來尅木為賊邪况小便如淋乃肝腎二經氣絕也辭不治後果歿於金旺之日盖肝為腎之子腎為肝之母設預為調補腎水必不致於危也

托裡清肝散

人參

黃芪炒

當歸

川芎

芍藥炒

白朮

茯苓

金銀花

白芷炒

甘草炒

連翹

柴胡各七分

山梔各四分

右每服二三錢水煎

錢氏虹蚓散治腎子腫硬先用葱椒湯煎洗次以乾虹蚓糞津

唾調敷須避風冷濕地

世傳治小兒陰囊腫大用甘草煎濃汁調虹蚓糞塗之立効

山藥膏治兩拘及小腹腫痛或痒用山藥研爛頻傳患處乾則

易之

補中益氣湯方見肌肉不生

異功散方見用敗毒之藥

八珍湯

加味逍遙散二方見發熱不止

活命飲

托裡散二方見熱毒瘡瘍

加味小柴胡湯方見熱毒瘰癧

聖愈湯方見出血不止

十全大補湯方見便癰

加味清胃散

四君子湯二方見腹癰

地黃丸方見作渴不止

足指凍瘡附耳凍瘡

薛氏膏

尿是

三

通

足指凍瘡因受稟虛怯故寒邪易乘氣血凝滯久而不愈則潰爛成瘡治法須壯脾胃溫氣血則死肉自潰良肉自生若骨脫筋連者宜急剪去否則毒延脚面而死蓋肢末之處氣血難到又為外邪遏絕則氣血不能運行若用湯盪火烘其肉即死而不仁至春必潰腐脫落元氣無虧雖患無害如外敷寒藥內服消毒之劑則元氣受傷必成敗症凡初凍時熱手頻熨之為妙北方凍耳若誤以手觸之其耳即落大寒能裂膚墮指然信矣一女子數歲值嚴寒北土因失所恃而足受冷侍婢用熱湯泡之至春月房中穢氣其父覺之脫襪方見十指俱爛但未墮耳予用托裡之劑助其陽氣潰脫以保其生一小兒仲冬嚴寒兩耳受凍不知痛痒令人以熱手徐徐熨內用溫補脾氣之劑及敷白藪散而愈

一小兒七歲冬間足指凍痛用燒湯浸洗至春潰脫瘡口不斂足跌腫痛余謂此元氣虛弱須補胃氣以生肌肉不信乃用寒涼消毒之劑腫消黑色自以為愈余曰此脾胃虛極元氣不能運及患處也後兩腿羸細而斃一小兒撲傷足跌少許遂成凍瘡作痛不止用火烘之肉死至春足脫膿水淋漓不能收斂而斃此症若能調養脾胃使元氣不傷則肌肉自生豈至於死哉

白藪散

白藪 一兩

黃栢 炒黑 五錢

右為末乾搽患處

湯火瘡

湯火之症若發熱作渴小便赤澀者內熱也用四物加山梔連



翹甘草若肉未死而作痛者熱毒也用四君加芎歸山梔連翹若肉已死而不潰者氣血虛也用四君加當歸黃芪外傳當歸膏或栢葉末蠟油調搽至白色其肉自生若因烟薰將死者以生蘿蔔汁灌之卽甦若飲食後被湯火所傷發熱腹脹惡食發搐變症者當參食積驚搐門治之

一小兒火傷兩臂焮痛大便不利小便赤澁此火毒蓄於下焦也用生地黃當歸芍藥木通山梔赤茯苓甘草一劑二便調和而痛止更以四物加山梔參芪白芷甘草而壞肉腐又敷劑而新肉生

一小兒火傷足脛專用敗毒之刺膿水淋漓日晡腫脹此脾虛下陷也用補中益氣湯及八珍湯而愈

一女子沸湯傷胸兩月不斂脈洪大而虛發熱作渴此陰虛火

毒所乘用四物加柴胡丹皮熱渴煩止用加味逍遙散腐肉去而新肉生

一女子被烟薰痰氣上壅不省人事用蘿蔔汁灌之而甦但體倦欲睡仍令啗蘿蔔汁乃服六君子湯加桔梗山梔而安傷輕者蘿蔔搗汁飲之亦可

一小兒火傷臂間誤用生肌散陰囊潰脫久而不愈此助其藥毒而然也余用當歸膏及四君子加芎歸旬餘肉生而痊

一小兒火傷其足用冷水浸之腫痛益甚服敗毒藥死肉不潰此脾胃氣傷而血滯也川六君子加芎歸而愈後因勞役寒熱以八珍散加升麻柴胡白芷而痊

一小兒火傷腿用寒涼之藥久不愈腿細筋攣食少晡熱此因生肌藥助其邪寒涼損其胃也用益氣湯當歸膏不月而斂

一小兒熱湯傷足久不愈膿水清稀口乾足熱患處腫黯晡熱盜汗肢體骨立此稟腎氣虛弱寒藥傷脾而然用益氣湯地黃丸三月餘佐以托裡散如聖餅而愈

一小兒沸湯傷腿搽藥結痂難於屈伸痛不可忍用四物加白木茯苓及當歸膏而愈

一小兒沸湯所傷胸腹皆潰久而不愈喜脉弱按之而有力盖脾主肌肉當調補脾胃為主外敷之藥當緩不信恪用敷貼之而效

一小兒湯傷脛潰而色赤如赭日晡熱甚右關脉浮而數按之則滋此肝木乘脾土血虛而然耳乃外傳內服皆於攻毒後果

效神效當歸膏治湯火等瘡不問已潰未潰肉雖傷而未壞者用

之自愈肉已死者用之自潰新肉易生搽至肉色漸白而始盡生肌最速盖當歸生地黃麻油二蠟皆主生肌止痛而血續筋與新肉相宜此方余已刊行治者多驗

當歸

生地黃

各一兩

麻油四兩

黃蠟

一兩

如白者

止用五錢

右先將當歸地黃人油煎枯去粗將蠟融化候冷攪勻即成膏矣用塗患處將細紙蓋之發背癰疽杖瘡潰爛用之尤効凡死肉潰爛將脫止有些須相連者宜用利刀剪去盡死肉有毒去遲則傷新肉矣死肉去盡尤宜速貼盖新肉最畏風寒不可忽也

乳香定痛散治傷損及一切瘡瘍潰爛疼痛

乳香

沒藥

各五錢

滑石

一兩

冰片

一錢

右為細末搽患處痛即止甚効

猪蹄湯治一切癰疽杖瘡潰爛消腫毒去惡肉潤瘡口

白芷

黃芩

當歸

羌活

赤芍藥

蜂房

多蜂兒者為佳

生甘草

各五錢

右用猪蹄一隻水四五碗煮熟去油粗取清湯入前藥煎數沸去粗溫洗隨用膏藥貼之

四物湯 方見脇癰

六君子湯

方見腹癰

如聖餅

方見流注

翻花瘡

九

翻花之症由瘡瘍潰後風寒襲於患處或肝火血燥生風或乳母肝火生風必致瘡口肉突出如菌或如指大小長短不同如風邪乘襲者先用補中益氣湯加防風天麻風寒凝滯者先

用寸宣散加羌活天麻兒肝火生風者先用加味道遙散加羌活天麻母肝火生風者先用加味小柴胡湯次用加味道遙散加漏蘆天麻其風邪所乘外用豆豉餅風寒所凝外用葱熨法更用太乙膏護瘡口突肉不消更以藜蘆膏塗之如瘡口不斂而惡寒發熱者元氣虛也用補中益氣湯晡熱內熱者氣血俱虛也用八珍湯倍加參芪食少難化者脾氣虛也用五味異功散若飲食少思大便不調或肌肉消瘦小便澄白者此兼肝脾瘡症也用九味蘆薈丸以清肝火用五味異功散以補脾氣外仍用熨治之法

一小兒腿外腫患癰瘡口陷而色黑翻出如菌久而不愈此元氣虛弱寒邪滯於患處用寸宣散加羌活天麻及附子餅患處漸赤改用葱熨法而漸白此寒邪去而元氣虛真色發見也用

補中益氣湯及藜蘆膏而痊

一小兒臂患癰瘡口色白肉突翻或如指用追蝕之藥去而復作余謂肝肺氣虛用益氣湯再用托裡散藜蘆膏而愈

一女子脇間患癰瘡口色赤翻出肉如菌寒熱如瘧此肝經血燥生風所致先用加味逍遙散後用加味小柴胡湯及藜蘆膏而愈

一小兒患此瘡口色赤腫痛時出血膿此肝經血分有熱用加味逍遙散加生地黃四劑却以生地易熟地月餘血熱漸退又用八珍湯藜蘆膏而突肉減用十全大補湯元氣復又用托裡散而瘡瘥

一小兒患天蛇毒膿出後指腫火色黯瘡口腐肉手背漫腫而不赤飲食少思大便不實憎寒發熱惟用敗毒行氣之藥余謂此脾胃虛弱不能消化飲食生長肌肉外禦風邪非瘡毒使然也朝用益氣湯夕用異功散兩月餘諸症漸愈後因飲食過飽吐瀉患處不紅活出清水用異功散葱熨法藜蘆膏而愈

一女子臂癰潰後瘡口突肉如菌用毒藥蝕之突肉益甚面青寒熱經候不調此肝經血燥而生風脾氣虛而不能生肌耳先用加味逍遙散五味異功散兩月餘却用地黃丸托裡散而愈

一小兒患前症用藥腐去瘡口不斂朝惡寒暮發熱余謂因氣血俱虛而然也法當調補脾胃則氣血自生瘡口自斂不悟仍攻其瘡而歿

一女子十五歲患前症腐去而復生面色青而或赤余謂此肝膽二經風火妄動蓋肝血爲陰爲水肝氣爲陽爲火空生腎水滋肝血使火自息而風自滅不信乃用祛風之劑致血燥妄行

瘡口出血不止而死藜蘆膏治瘡口瘡凸起或出二三寸肉者

藜蘆不樹

右為末以生豬脂搗和搽凸瘡肉上

八珍湯

加味逍遙散二方見發熱不止

補中益氣湯方見肌肉不生

托裡散方見熱毒瘡瘍

十全大補湯方見便癰

五味異功散方見敗毒之藥

地黃丸方見作渴不止

豆豉餅

葱熨法二方見流注

### 多骨疽十

多骨疽由瘡瘍久潰脾胃虧損氣血不能營於患處邪氣陷蘖久而筋爛骨腐故骨脫出非稟胎所有也當補脾胃壯元氣內用大補湯地黃丸外以附子餅葱熨法祛散寒邪補接元氣則骨自脫瘡自斂若用剋伐之劑復傷真氣鮮有不危嬰兒患之當調補乳母外用葱熨以歲月除之尤不可用追蝕之藥

一小兒足內患之日流清膿惡寒發熱大便去而不了皆元氣虛而下陷也先用補中益氣湯加乾薑肉桂諸症漸復乃用十全大補湯及如聖餅出碎骨而愈

一小兒臂患之時出清膿惡寒發熱此元氣虛也朝用補中益氣湯夕用四君歸芪半載常出細骨一塊又用六味丸而愈

一小兒患之目睛白多飲食難化手足並冷此稟命門火衰而

脾胃虛寒也先用八味丸異功散如聖餅出碎骨乃用六味丸  
大補湯而愈若攻瘡邪不固元氣必不活矣

一小兒十四歲閃足腕間用敗毒之劑腫硬色黑余謂此元氣  
虛而外寒凝滯也用回陽膏六君肉桂十餘劑腫黯漸消又用  
冲和膏托裡散餘毒漸軟又佐以大補湯針之出清膿甚多即  
惡寒發熱此陽隨陰散而氣虛也用六君加肉桂參芪各二錢  
寒熱頓止却用八珍湯托裡散豆豉餅而愈

一小兒足跗腫硬肉色不變形氣倦怠外傳內服皆敗毒耗氣  
之藥余謂經云形傷痛氣傷腫乃稟賦足三陰虛羸之症也當  
滋補元氣若行攻伐虛瘡之禍不免矣彼以為迂仍用前藥足  
跗變黯腫至脚腕余用大補湯異功散各五十劑以調補脾胃  
及葱熨患處祛散寒邪補接陽氣漫腫漸消瘡肉赤色旬日而

潰此元氣漸復之善症也然固元氣充實瘰肉可腐新肉可生  
又惑於速効之說傳追蝕生肌之藥患處復生惡毒並臻而致

十全大補湯方見腹癰

補中益氣湯方見肌肉不生

八珍湯方見發熱不止

托裡散方見熱毒瘡瘍

如聖餅

葱熨法

豆豉餅三方見流注

冲和膏方見寒涼之藥

八味丸方見六味地黃丸加肉桂

漏瘡十一

此書是醫家秘傳之書凡有疑難雜症皆可治之

漏瘡之症因稟氣血不足或久病血氣虛弱或兒脾肝食積內熱不能生肌或乳母七情不和脾氣不能收斂當審其所因調補元氣佐以如聖餅愈慰之類為善若用流氣破血追蝕等藥反為敗症矣餘當參各門主之

一小兒患在臂間腫硬不消面色痿黃膿水清稀此元氣虧損之症用八珍湯為主六君子湯為佐漸愈因飲食失節惡寒發熱用六君子加升麻柴胡而安用益氣湯加異功散而斂

一小兒腿內側患之寒熱發渴此肝脾二經氣血虛症也蓋胃為五臟之本先用五味異功散加升麻柴胡月餘胃氣始復乃用地黃丸補腎水以生肝血而愈

一小兒臂間漫腫按之至肉方痛肉色不變形體消瘦面目多白余謂此稟腎經虛症當補脾肺以滋化源反用寒涼尅伐之

藥脾氣大虛患處肉死又用追蝕之藥死肉雖去瘡口不斂而斂一小兒四歲尚解顛余用地黃丸而顛闔至十六顛間腫硬發熱唾痰余謂屬腎經氣不足水泛而為痰氣傷而為腫不信反用火針敗毒破而出水余曰腎主骨骨而為癱元氣虧敗余何能為後果歿惜哉

一小兒患在臂外側瘡口開張腫硬色黯發熱惡寒手足時冷此少陽經陽氣虛寒不能生肌收斂也當助胃氣不信仍行攻瘡而斂

一小兒十五歲足跟患之二年不愈日出清膿數滴余謂稟腎氣虛弱也不信畢姻後腫硬寒熱仍用攻伐之藥而斂如聖餅

葱熨法

二方見流注

八珍湯 方見發熱不止

六君子湯 方見腸癰

補中益氣湯 方見肌肉不生

六味地黃丸 方見作渴不止

五癩 十二

經云肝主筋心主血脾主肉肺主氣腎主骨故云肝為筋瘤心為血瘤脾為肉瘤肺為氣瘤腎為骨瘤小兒患之多因稟賦不足乳母七情起居飲食失調致兒五臟不和內火沸騰血凝氣滯也夫癩者留也隨氣凝滯臟腑受傷氣血不和所致五癩之外更有脂瘤粉瘤虱瘤蟲瘤之類若行氣破血或傳寒涼追餓之藥或用蛛絲纏芫花線等法以治其外則悞矣

一小兒因乳母鬱怒臂前腫硬皮色如常日出膿水乃脾肺

之虛症也用加味歸脾湯如聖餅三月餘腫漸消後因母熱

熱兒患處復腫用加味逍遙散母服二十餘劑兒日服杯許亦

腫漸退仍以前藥久服而愈

一小兒頭後患之久不斂目睛多白此稟腎虛之症母子並服

六味丸補中湯外以六味丸料加鹿茸作餅熱熨患處每日一

次而斂

一女子腿外膝一瘤寸許色赤破而血逆漂甚多發熱作渴先

用當歸補血湯渴熱漸愈又用加味道遙散瘡口尋愈

一小兒落草大腿外股如指尖一塊肉色如常按之不痛至數

月誤觸破出如粉漿內股焮痛寒熱如瘧手足抽搐如急驚狀

此膿水出多氣血虛而內生風也先用異功散加鈞藤鈎二劑

又用八珍湯加鈞藤鈎而安用托裡散而痊



一 小兒二歲項間自分塊有一核余謂但調治乳母其兒自愈  
彼欲速効外塗牡蠣確黃之類內服海藻蓬朮之類脾胃復傷  
而歿

一 小兒九歲項間患之余謂稟腎肝血燥所致當滋水生木不  
信另用藥破之膿水淋漓仍服散堅之藥而歿

一 女子腿前腫一小癰作痒搔破出蟲如蚊而飛去寒熱如瘧  
乃肝經之症卽虱瘤之類用加味逍遙散而愈又有一種髮癩

破開有髮屬腎經之症也

加味歸脾湯 方見腹癰

地黃丸 方見作渴不止

加味逍遙散 方見眼內木生

八珍湯 二方見發熱不止

六神散 方見熱毒瘡瘍

補中益氣湯 方見肌肉不生

五味異功散 方見敗毒之藥

如聖餅 方見流注

